

REVISTA SITUASAUN JANEIRU 2015

ASUNTU NE'EBÉ PRESIZA TAU ATENSAUN

- ▶ **Insidente iha Saelari Laga entre membru PNTL no eis grupu KRM**
- ▶ **Insidente hamutuk hat liga ho F-FDTL uza forsa maka'as ba responde konfliktu**
- ▶ **Númeru insidente aas liu akontese iha dia 01 Janeiru liga ho selebrasaun tinan foun**
- ▶ **Hana no sona ema arbiru sai hanesan insidente sériu iha Dili**

INSIDENTE SERIU IHA SAELARI LAGA ENTRE PNTL NO GRUPO EIS-KRM

Iha dia 15 Janeiru 2015 iha Suku Saelari, Postu Administrativa Laga, Munisipiu Baukau akontese konfrontasaun entre PNTL eskuadra Laga ho, eis-membru grupu Konsellu Revolucionáriu Maubere (KRM). Eis Komandante, Mauk Moruk ne'ebé hetan livre husi prizaun iha fulan Dezembru 2014. Impaktu husi insidente ne'e maka membru PNTL kanek todan; na'in rua tama kedas Ospital Referral Baukau, hanesan komandante eskuadra Laga ne'ebé hetan tuda ho fatuk no Xefe investigasaun Laga, hetan taa iha ulun no Polisia na'in 2 seluk hetan kaptura. Iha insidente ne'e grupu ne'e mos halo asaun hadau pistola husi membru PNTL na'in rua. Iha dia 16 Janeiru 2015 tuku 06.00 dadeer, comunidade entrega fali membru PNTL na'in rua ne'e ba Ministru Defeza no Seguransa, hanesan mós Primeiru Ministru Xanana Gusmao (agora Ministru Planeamentu Investimentu Estratéjiku) iha fatin akontesimentu, Suku Saelari.

Mandatu Kapturasaun husi Ministériu Públiku ba eis membru no lider grupu KRM ka grupu Mauk Moruk iha realidade seidak hetan ninia rezultadu. Governu ezije hodi eis-Lider no membru KRM atu entrega a'an no responsabiliza ba sira nia asaun. Komandu Operasaun Konjunta (KOK) ne'ebé envolve PNTL no F-FDTL agora retira ona sira nia operasaun maibé sei uza maneiras seluk hodi ezije eis membru no lider KRM entrega a'an.

INSIDENTE HAMUTUK HAT LIGA HO MEMBRU F-FDTL UZA FORSA MAKA'AS BA RESPONDE PROBLEMA PRIVADU

Iha fulan ne'e, AtReS rekolla dados insidente hamutuk hat akontese iha subdistritu Postu Administrativa Metinaru, Suai no Sub-Regiaun Pante Makassar maske iha mós isu balun husi comunidade liu husi konversa ho KM AtReS dehan membru PNTL-F-FDTL baku ema liuliu joven sira ne'ebé laiha eleitorál durante hala'o pasa revista iha operasaun KOK. Ezemplu ida mak akontese iha Oekusi hanesan tuir mai ne'e.

Iha dia 6 Janeiru 2015, iha aldeia Mahata, Suku Costa, Sub-Regiaun Pante Makassar, oras tuku 02.00 loraik akontese diskute malu entre membru F-FDTL ida ho joven ida. Insidente akontese hahú husi hadau malu hodi tama ba ponte kais, membru F-FDTL dada de'it nia família la konsidera ema seluk, mak foin hasa'e tensaun joven ida hodi ko'alia ho lia fuan dehan "ha'u respeita o nia farda maibé kakutak mamuk" foin membru F-FDTL ne'e tensaun sa'e no tuku joven dala ida too monu. Laiha ema ruma hodi atende sira nia problema no odi malu nafatin entre parte rua. Insidente violénsia akontese tanba membru F-FDTL la simu lia fuan "kakutak mamuk" mak foin baku joven refere. Kazu hanesan mós: membru F-FDTL iha Metinaru baku estudante Primária ida tanba de'it estudante ne'e dudu membru F-FDTL nia oan, bainhira estudante sira sai husi sala laran oras fila husi eskola; membru F-FDTL baku no ameasa ho kilat ba joven ida iha Metinaru tanba joven ne'e lanu no silu halimar espelu motor husi família membru F-FDTL nian.

NÚMERU INSIDENTE A'AS LIU AKONTESE IHA DIA 01 JANEIRU LIGA HO SELEBRASAUN TINAN FOUN

Iha fulan Janeiru 2015, iha 13 Munisipiu, total insidente akontese iha dia 01 Janeiru 2015 ne'ebé ligasaun ho selebrasaun tinan foun, hamutuk insidente 23, hanesan insidente ida iha kraik ne'e. Iha loron 01 Janeiru 2015, maizumenu tuku 04.43 lokraik, akontese grupu rua asaltu malu iha Área Didimera (fatin paseiu) Aldeia Bahabuga, Suku Vessoru, Munisipiu Vikeké. Insidente mosu tanba dansa no goza malu iha fatin paseiu. Husi insidente ne'e nia impaktu mak joven na'in 5 hetan kanek inklui Segundu Komandante Polisia Eskuadra Uatolari. Joven na'in 5 ne'ebé hetan kanek mak; 1 hetan sona iha parte kabun, na'in 3 kanek iha ain tanba tuda ho fatuk, 1 hetan baku iha kabas no koskalete liman los, enkuantu Segundu Komandante, ema tuda no hetan kanek iha ibun no inus. Iha akontesimentu ne'e, ema barak mak pániku no halai tanba grupu 2 tuda malu no polisia halo intervensaun ho tiru ba leten.

Totál insidente Fulan Janeiru 2015	
Distritu	Insidente
Aileu	1
Ainaru	6
Baukau	8
Bobonaru	1
Covalima	2
Dili	10
Ermera	5
Lautein	6
Likisá	4
Manatuto	2
Manufahi	5
Oekusi	10
Vikeké	13
Totál	73


Membru Polísia sira tuir mai lori kedas Segundu Komandante no Joven sira ne'ebé hetan kanek ba Postu Saúde Uatolari Darabai hodi halo tratamentu, no kontinua transfere paciente ba Ospital Vikeké tanba kanek ne'ebé sira hetan konsidera grave.

EMA DESKONESIDU HANA JOVEN MANE IDA IHA KOMORO


Depois konfrontasaun arte marsiais iha Baukau dia 30 Dezembru 2014 depois insidente 2 iha Dili ne'ebé rezulta ema na'in 5 mate tanba problema arte marsiais iha fulan Dezembru 2014, mosu insidente asaltu husi ema deskoñesidu iha Dili ne'ebé deskonfia sei iha relasaun ho grupu arte marsiais tuir rumor ne'ebé mosu iha comunidade nia leet. Iha fulan Janeiru 2015, hamutuk insidente 3 iha Dili, liga ho asaltu (sona no tuda) husi ema deskoñesidu.

Iha data 21 Janeiru 2015 oras 21:00 kalan iha loran Kuarta Feira iha Aldeia Mate Lahotu, Suku Komoro Postu Administrativa Dom Aleixo. Husi fonte verifika katak, joven mane ida tuur hela iha nia varanda depois derrepente de'it rama ambon mai kona nia hirus matan husi ema deskoñesidu. Impaktu husi insidente mak joven mane kanek no ran sulin sai no família lori kedas nia ba Hospital Nasionál Guido Valadares Dili. Insidente ne'e seidak resolve tanba parte ne'ebé halo violentu halai kedas no seidak identifika.


Insidente Fatin




Metodu Violensia




Tipu Violensia



KARATERÍSTIKA INSIDENTE




Se Mak Hahu / Halo Violensia




Saida Mak Ema Hahu Violensia Nia Jeneru




Se Mak Vitima Nia Jeneru




Hun no Abut Konfliktu



Se Mak Responde



Impaktu



ATIVIDADE PREVENSAUN NO RESPONDE BA KONFLITU

Atividade Ne'ebé Hala'o Husi Ekipa Atensaun no Responde Sedu (AtReS)

- ▶ AtReS prodús Alerta liga ba insidente violénsia iha Suku Saelari, Postu Administrativa Laga. Alerta ne'e hasai iha dia 16 Janeiro 2015 husi fonte Koordinadór Munisipiu Baukau ne'ebé iha loron ne'e tun kedas ba terrenu hodi halo observasaun no verifikasaun informasaun ba lider lokál no PNTL Eskuadra Laga.
- ▶ Ekipa AtReS vizita Suku Saelari hodi halo observasaun rasik no hasoru lider lokál no membru comunidade liga ho situasaun comunidade depois de akontesimentu insidente violénsia entre eis membru no lider grupu KRM ho membru PNTL Eskuadra Laga. Vizita terrenu ne'e realiza iha dia 23-24 Janeiro 2015.
- ▶ Iha dia 28 Janeiro 2015, ekipa AtReS hasoru malu ho Komandante PNTL, Xefe Investigasaun Nasionál iha Kuartél Jerál PNTL Kaikoli Dili hodi fahe dadus insidente no oinsá koopera hamutuk hodi prevene no responde konflitu iha Komunitade. Iha momentu ne'e, ekipa AtReS mós fahe Revista Situasaun Fulan Novembru-Dezemburu nian ne'ebé refleta ba número no análise insidente ba fulan rua ne'e.
- ▶ Ekipa AtReS mós hetan vizita husi bainaka na'in rua husi Embaixada Canada iha Jakarta Indonézia hodi hetan informasaun kona-ba situasaun seguransa iha Timor



Leste no papél Belun liu husi Programa AtReS hodi hatán ba situasaun ne'e. Representante Embaixada Canada ne'e mai vizita Belun iha dia 30 Janeiro 2015.

Atividade Ne'ebé Hala'o Husi Ekipa Mediasaun no Rezolusaun ba Disputa (MRD)

- ▶ Ekipa halo mediasaun disputa rai iha Ritabou Maliana, Munisipiu Bobonaro iha loron 28 Janeiro 2015. Partisipante participa mak hanesan Polísia Komunitária, DTPSC Munisipiu Bobonaru, disputante ho membru família disputante na'in rua, ekipa husi SNC no ekipa mediator Belun hamutuk 18 partisipante. Disputante na'in rua iha natar ne'ebé haketak husi mota ka kanu bee maibé disputante seluk hakarak hadau tan rai rohan iha kanu ka bee dalan sorin ne'ebé pretense ona disputante ida seluk nian. Mediasaun ne'e la hetan rezultadu no parte rua hakarak kazu ne'e kontinua ba tribunal.

KONA-BA REVISTA NE'E

Revista situasaun ne'e relata kona-ba asuntu xave relaciona ho insidente violénsia no tendensia husi koleksaun dadus monitorizasaun liu husi Sistema Atensaun no Responde Sedu (AtReS) Timor-Leste durante Janeiro 2015. Belun esforsu atu fahé informasaun ne'ebé up-to-date no serteza ho dadus atual. Hanoin katak, situasaun bele hetan mudansa ho lalais husi kontribuisaun dame ita hotu nian. Ami agradece no simu informasaun seluk ne'ebé bele klarifika ka update dadus ne'ebé ami iha liuhusi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Espesialista Prevenasaun Konflitu: laurensius.belun@gmail.com